

松  
圓  
浪  
淘  
集

松圓浪淘集

春盤卷二 九十五首

奉陪徐宗伯集張二丈新居同叔達子柔  
伯隅孺穀卽事二首

卜宅茅齋小春盤白玉新  
野翁爲地主天老屬芳鄰  
燭滅聞鄰澤杯翻浣錦茵  
不須繁夜雪艷曲自畱人

燭影帶茅茨厨燠出篠池  
雨沾移席處雪響勸杯時  
狂態衰翁作清言稚子知  
由來寬禮數今夕更相宜

雨中太倉津亭別子柔泊舟崑山

海近雨冥冥分攜愴驛亭  
朋情春更覺酒氣別  
能醒潮滿炊煙白山移  
睥睨青還鄉無限意寂  
寞向郊坰

同李茂實表  
叔還鄉展墓

值叔達兄同錢將軍北上言別

方舟然燭夜相過道上匆匆奈別何  
我已三季懷錦里君應五月渡黃河  
南遊誰共煙花早北  
上兼聞金鼓多此別各懷無限意羞將春淚點  
江波

又送叔達

風流儒雅孰如君  
幕府從容不顧勲  
點筆青春千氣象  
受書白日看風雲  
纔術沙雁邊聲  
惡旗閃檣烏塞色  
曠到日朱門先達  
在過逢應獨念離羣

湖上同念上人泛舟

湖上春風大可憐  
沿堤楊柳客愁牽  
虎林山翠疑臨鏡  
鳥道鄉心欲上天  
竝泛袈裟衣學水  
重移舟漿酒如泉  
再來千樹桃應發  
攜爾看霞白日眠

西湖懷古

今人行樂處誰見管人遊湖水不改色春風無  
盡頭梅荒逋士宅花落美人樓歌舞空回首斜  
陽獨照愁

始發餘杭至青山亭呈茂實中翰表叔一  
天目東來茗水清白沙翠竹接春城乍舒楊柳  
縈旌色欲盡梅花入吹聲草樹由來關氣象山  
川到處有逢迎共知畫錦絲綸客不是乘春露  
冕行

雨中曉發臨安雙谿道中作

回首青山半入城碧潭時傍碧巖縈煙中小市

開晴翠樹杪重泉帶雨聲飲馬茗谿逢漲發間  
人天目指雲生試觀萬壑千巖裏何似山陰道  
上行

靈隱寺至韜光

鷲嶺岩巖入千林合翠微嵐光開野性谷響發  
清機客爲尋源到僧逢洗藥歸上方知遠近樹  
裏斷香飛

法相寺二首

一徑背湖曲高松半夕陽竹光團欲暝草氣雜  
能香籃輦聞鍾入巢鳥鳴磬翔地偏宜信宿臨

去意何長

同栖古佛地疑居開士林衆香凝戶濕空翠積  
階陰竹響人聲杳泉泥虎跡深西南巖壑美隨  
意更幽尋

龍井

龍湫涌碧淙神運蹟微茫我到客初散人窺魚  
欲藏草暎水容淺日斜松影長翛然泉上酌跬  
坐看焚香

淨慈東退居

曲徑通香積孤潭隱碧藂庭閒逗湖日門掩下

山風廢塔千花外殘杯雙樹中坐看人境裏不  
與世氛同

平湖風夜

野闇水逾白天霾風正呼歛帆衝細雨遠樹怯  
重湖官燭分津吏公厨其野夫少季漂泊意樂  
罷不能無

雲間道中

樂去憂思集歸來別興添白衣乘驛舫黃帽謨  
郵籤水落邀催舸天清宜卷簾含情望不極孤  
月白纖纖



放歌贈顧長卿

神仙中人君之弟畫圖長句余所作詩家風格  
君苦愛感我高歌振寥廓天風吹墮吳江水太  
湖卷白駢城郭錢塘以東頻經過雨來冥冥風  
帆多三季不歸新安郡漸江高壓愁嵯峨此中  
清音余嘯歌聒天響壁跳鳴波逸興散落萬山  
石欲題未題耿不磨胸中字畫蘚不滅流光空  
青虛蕩摩思之高深兩莫測此詩問君君奈何  
垂虹之橋幾千尺風吹落月秋水白彷彿與我  
見顏色我爲君歌無所惜歌終有聲感金石請

老后見記一機

送子柔

夜飲滋蘭館作

馥馥蕙蘭花盈盈明月光之子娛良朋我飲不  
盡觴念子將遠行歡樂難久常茲意舍未由欲  
言愧中腸自非同一身安能不參商何況飛與  
潛出處各有當胡不自奮飛乃願同摧藏交望  
子能敦在遠況不忘含情揮志意歌罷重慨然

別詩

同舟送茂實表叔至京口

日暮來緒風流雲盪華月照我盈樽酒送子  
離別中天正蕭條光景何皎潔雲歸無處所忽

隨海上滅君心如流光區區願識察

嘉月照高譙揚舲越長林尊酒若陳迹絲竹生  
哀心曲宴竟逢夕送遠反日親在合已悟睽歡  
憂成苦辛辛亦何爲百率若颺塵物理固如  
斯難具爲子陳

送李中翰表叔還朝

漢家宮闕枕燕關使者乘槎八月還吳地潦  
猶似海廣陵濤壯正如山同弁衣醉神仙侶  
翰春隨供奉班聞道滄溟今未息幾回瀟  
瑟動愁顏

潤州城下泛舟登金山寺

積翠連山石岼迴，畫屏搖曳錦帆開。  
州城秀波中見，寺閣風煙水上來。  
天入滄溟雙砥柱，江經灩澦一孤臺。  
依然舉目偏蕭瑟，落日秋陰送客哀。

金山寺

亂帆遙向一山分，寺外虛傳郭璞墳。  
天積秋陰浮水氣，江翻落日晃峰文。  
還疑方丈渾連海，已似瀟湘不見雲。  
坐久濤聲響空際，愁心才葉共紛紛。

江天閣

寺閣懸崖結構牢，開門面面足風濤。  
山虛日射孤根動，江圻天圍一柱高。  
西望龍門經地脈，東行漁艇入秋毫。  
翛然欲泛滄溟去，指點虛無肯重搔。

感懷

丙戌春奉先子訪醫京口，留此句。

金山自是傷心地，洒淚愁吟江上臺。  
寺閣雨垂春日盡，山門天豁暮江開。  
桂帆看客冥冥去，買藥逢僧泛泛回。  
重到秋陰倍蕭瑟，魂兮猶思未歸來。

焦山

維舟落日半江昏  
密柳蘩篁尚水痕  
野客過雲穿斷壁  
湊人隨照集沙村  
懸峰樹色青搖石  
遶寺波光白盪門  
絕頂一樽聊強進  
晚天回首易傷魂

登瓜洲大觀臺望金山寺招閔壽卿不至  
麗譙南俯曲江頭  
粉堞朱甍照素秋  
浪蹴日車通蜀險  
風飄雲蓋入吳愁  
鄉關晴樹歌黃鶴  
江寺煙花戀白鷗  
念子中流易蕭瑟  
暮雲南北古揚州

寄閔壽卿

空江落日乍經過，忽漫相逢奈別何。  
悵望春遊同逝水，招尋秋思逐流波。  
江邊兄妹東吳舫，道上親朋北極珂。  
早晚一漚營好就，幾時攜手重高歌。

時方構一漚庵

喜壽卿至

欲別題詩寄江寺，忽逢破浪渡江來。  
更開篋笥排詩卷，重繫舟航共酒杯。  
秋短淹留過日落，風生信宿避潮回。  
東行許顧論文地，海上相逢有舊醅。

送孫履正履和應武試二首

十月江南無阜鷗一霜楊葉已全凋直將天上  
攬槍落歸取黃金佩在腰

拋鞚身過一鳥輕鳴弓舞槊好橫行男兒別有  
飛騰意不爲通侯大將名

送張伯隅北上三首

津亭日暮雨如絲把燭迴舟客散時君去再過  
京口路風煙那不繫相思

燕女如雲不讓花生塵紅襪避身紗青樓宛轉  
輸君入持與南京鬪麗華



曲江朋從有輝光夾路開簾擁靚妝不獨誇官  
驚士女男兒應得報君王

慰徐孺旭下第歸

我醉西湖三月春遙聞北渡廣陵津道傍明月  
誰知已水上寒風自送人重喜緇塵終不改忽  
驚華髮便相新愛君拜舞娛親日跋扈飛揚若  
有神

壽徐宗伯公七十

一代多元老三朝出偉人商山先隱皓嵩嶽  
舊生申閒氣關清淑元精協化醇丹青形象逼

霄漢羽儀振禮樂周官籍文章匠石斤雕龍  
聞美刻鵠義方惇總角陞黌序加冠謁紫宸  
郅詵登甲第方朔拜詞臣掌制司綸綽祈年  
鬼神南宮番直夜西苑受釐晨簪筆時供草  
香屢積薪一麾仍鍛翮孤節敢批鱗帝意  
嚴助民爭借冠恂荆南通沔鄂嶺北控番閩  
郡功名數防虞節制新繭絲誰復恤貝錦爾  
何頻白璧知蠅妒塗泥見豕迹恭聞承御極  
詔下非綸超擢俄開府尊榮切秉鈞股肱天  
岳牧喉舌帝星辰已見諧明允還推秩典倫

覆盆爭法網上殿領朝紳 郊廟旂常肅 宗  
潢錫賚勻時和羣望協恩降百蠻賓講殿書幃  
敞 山陵法駕陳垂衣金馬侍聽履翠華親陟  
渥方覃日堅辭勇退身老成心悄悄羣小忌祈  
祈許告優疏廣遺榮寵鄭均園基山墅曲起觀  
鑑湖漭四序憑消息多方信屈伸孔樽常置酒  
弘閣幾留賓盤出高門玉鐙分禁掖春水厨焚  
香飯渠盆映霜蓴客醉霑薌澤人嬌舞暗塵花  
朝似綺甲夜月如銀楊柳迷彭澤桃花祓禊  
嫌穿屐齒直可汗車茵泛艇攜繙侶遊

狎道民歌兒供灑翰座客競藏珍筆倒陳公  
碑題郭泰珉珊瑚帶騷裏文縐織麒麟藻績  
遐裔膏腴沃海瀕風流時閒作道術日彌純  
寶傳真籙龍宮斲佛輪丹鉛詮突奧金碧照嶙  
峋拯困皆埋獄逢交或指困白頭收冠鵬青眼  
向衣鶉猥以蓬樞賤叨蒙折節仁賃春行自給  
倒屣顧何因佳句新知誦高言聽莫真鳳輝爭  
利見龍性敢云馴剪拂矜飛動摧藏忘賤貧自  
陪諸彥集披對亦踰旬吹管葭灰律添紋刺繡  
紉隨肩華萼笑繞膝綵衣蹲華屋張仙樂香車

禿貴姻紫駝行翠釜青島啄紅巾 天子頒雲  
杖羣公頌大椿齊聲開壽域八表正無垠

燕山篇送李茂才北上兼呈中舍公

燕山從龍高矗天積翠霏微青瑣連臺築黃金  
招駿後渠疏碧玉鑿龍前鶴馭警傳仙伏曉  
池香染御毫鮮鳳池清切近王春太平日日  
正重輪鈞陳道上三魁象臚句聲中五色雲先  
農乍啓蒼龍闕元會重開白獸尊待詔金門  
親射策天子臨軒賜顏色歲星千牘自東方  
祥氣千季盛南極吳苑煙花植禁垣婁水恩波

通太液倚蘭仙李聲華重童子詠棊賡靜如  
起黃扉寵鄴侯直上金鑾拜供奉壚頭別罷夜  
氤氲金杯銀燭石榴裙北風怒號雪花舞吳天  
飛鳴鴻雁羣玉河銀海凍應合瑤林琪樹何  
分棣花承鄂絲綸閣開閣熏鑪遙待君

元夕送弟赴瓜洲

昨發城闌暮維舟野市燈曙雲驅片雪旭日  
暄輕冰潮水過婁縣江風斷廣陵弟寒兄詎  
識小別未能勝

梁谿行

梁簃近接湖水平風帆津樓斜拂城野青天白  
水倒明舟移岼逐山翠行密雲平沒前谿樹疎  
點飛來半如霧倏然搖颺徧洲渚水行波瀾清  
可數搖櫓偏欺吹面風沾衣愛惹穿花雨寺頭  
雨過寺門陰薜蘿松桂青森森虛谷鳴禽響空  
屨幽泉動客疑風琴恍惚俄愁煙霧深春寒晦  
暝龍蛇吟半雨半霽忘歸去誰識傷春遊冶心

水上倡樓

水樹風帆隱伎樓微明遠岼濁河流也知一  
壺堪腸斷暮雨無人在上頭

四月廿六日同閔氏昆季將登金山賦詩  
移席城隅眺望卽事十六韻

長日朱明暇橫江白晝昏天雲宜百變風物競  
諸昆石步懸江閣城隅隱市垣不關驚巨浪自  
是狎芳原襟帶隨移席波瀾對舉尊兩涯元苒  
苒千頃亦俱渾流峙爭高下乾坤任吐吞冰夷  
轟不府川后劃風門真見滄溟立疑看赤岸奔  
六聲俄轉石急響欲翻盆羣漢愁難渡荆吳寂  
不喧春容舒遠矚洒滌動羣魂似有宗生鷺如  
聞枚乘言拍波山幾漏濯浦樹多髡北固青天



寺南徐白屋村寨裳濡足地此日意空存

江上送超宗弟遊海門

人生良會難再遇常將骨肉等行路  
習居山中無世情汝未勝冠余未娶誰知衣食旋相駟  
坐今流落那能顧頻冬嶺北厭氷雪長歲江東

煙霧

弟嘗客章穎

去日艱難真可憐後來離別知

數相逢且暫同遨遊狂波對酒升高樓江邊女  
弟留十日風雨賦詩殊未休汝更請爲離別  
試聽長歌足哀音余愁一歌傷汝心汝今又  
海門去能識江流深不深

齋中雨聞

重門晨尚扃獨寢虛室閤稍稍雨聲至幽情  
相關因之意自遠宵然響空山神想未云拘  
役詎能干擾擾久喪真茲晨忽來還

送殷職方之南北部

文章交有道契合早知名寵禮由先達虛懷及  
後生自傷徒老大許意動公卿久廢樞丞謁歡  
蒙倒屣迎有時陪客坐不日載前旌曾歲洮河  
役郎官繫重輕畫奇閣廟算踐奏愼佳兵已  
見軍容改兼令國步行關氏仍款塞突利未

寒暄選擇須 皇眷嫌疑固物情之官元省署  
左宦亦留京素浪秋如葢丹霞晚若城湖涵宮  
舍淨山帶草堂清北顧干戈盛南遷訟獄平羣  
兇餘反側孤憤尚精誠海內推材傑邊陲憶老  
成天浪寒未落國馬夜長鳴送遠增幽疾徵詩  
愧德聲持將報知己耿耿片心明

集張二丈池上

面野堂開似遠坳秋城日落愛天青舉杯忽送  
雙歸鳥點席爭投自照螢北牖涼風聞墜露南  
池明月動浮星眾賓笑比揚雄宅載酒還期

草堂

薄暮登城隅鐘樓歸集池上作

日沒上遙城霞光滅餘彩高楊鳴天風岑樓眺  
遠海南池水花秀酒至明月在荷影開寂歷細  
聲自瀟洒賞心冀能同良辰復何待

有客

張公路先生至同訪丘丈值雨止直

有客遠郊至攜訪幽人宅叩門雀欲下高楊  
風自安知寺門路邂逅道相索忻然來吾廬飛  
雨已霖霖願各且安坐欲去竟誰迫清醕對明  
燭請留共遠客爲恐風雨至明日苦相隔

復陪殷比部燕集張二丈池上

卜夜重過水竹居侵晨邀客到階除晚涼池外  
停呵騎森木橋邊看捕魚醉客不辭衣露濕野  
翁先畏夜窻虛前期更及芙蓉會幾日東家有  
報書

懷方民表丈

學舍依山寺僧樓寄一椽月窻虛見石風谷聞  
聞泉都養供齋飯門徒乞酒錢別來移甲子何  
處昔青氊

題丘子成先生呂墅草堂

宗伯公卜築重  
堂招丘丈居之

獨賞  
此詩

卜宅呂墅涇宛在縣之陰荒橋罕行人比屋水  
竹深衡門晝不啓翳然見南鄰清風動闕窓一  
室如高岑卧視明月上曳杖還獨吟招尋二三  
子晤言綜古今有時嘿不言妙想虛在襟聊起  
拂塵磬中有太古心門過負薪者憎哉無知音  
歎彼陶處士取樂於素琴

過閭門陳氏園五首

主人未巾櫛命客到層軒拭目晨光斂梳頭旭  
日暄虛閤無戶牖淳朴在丘樊久憶中林趣今

來欲細論

疏畦開廢圃累土眺荒原藥小謾茅覆籬疎差  
竹藩幽蹊多有徑溝水不知源稍覺裏懷愜  
然無一言

對客營寒事相看發興新林呼抱甕叟廡接賃  
春人拾果從旁舍將醪過比鄰買田何日遂得  
任性情真

補蔓兼藏艇披榛別指橋薤明霜下葉柳曳東  
中條留客充負菜維駒有谷苗既能諳小徑出  
郭不辭遙

喜余耽野趣復引造精廬勝地何稠疊新齋不  
掃除榻塵看客過簾日近人舒預問重來宿幽  
偏合借渠

松園浪淘集卷之二

終



松園浪淘集

山樓卷三 凡五十四首

憶梅

梅花何太晚幽事劇關情寧使催頭白難忘照  
眼明冰輕疑蘂墮雪密擬香生莫漫嗟遲暮羣  
芳未敢榮

呂墅唐公宅橋西十數家客春凡幾樹人日已  
多花野晦繁林白池風曳影斜城端自南北望  
望惜季華

唐兄壬辰冬同  
王辰玉非上

詠梅例齊梁體

季芳洛浹早風光庾嶺迂素鷁凌月艷紫蒂首  
春敷鏤冰出纖手剪縞綴輕鬚水畔驚遺佩江  
邊疑弄珠避風趙氏妹對雪謝家姝宮女妝成  
額仙人學作膚寒閨感飄墜吹笛思征夫

茉莉四首

顛嶺千株滿瘴煙章江二月下吳船只今相對  
遙相惜開落空山絕可憐

日落吳門十萬家納涼亭閣貯新花浸來冰水  
將調粉潑取山泉試點茶

風靜羅帷亦自閒露華香雪閣徘徊曉涼欲問

花多少但放微颺自入來

明星開鏡晃紗窗白雪生香泛玉缸纖手女兒  
穿作鈿買時猶帶露幢幢

晚發小婁塘作

夕陽度婁曲高隴半原明林葉翻秋色江潮落  
夜聲霞歸纖月在風白細煙生拙養幽居慣衡  
門繫別情

婁江夜泛同張公路丈作

河流向晚淨際岫響兼葭高樹猶霞氣孤帆已  
月華火明遙辨郭風便屢綠沙客與清秋興歸

期莫論賒

泛舟至虎丘卽目呈啓陽叔

半塘見朱閣朝日明青松一水漾山淺千林標  
翠重迴橈分咽港複閣逶衡峰此地暫遊賞長  
懸離思濃

由橫塘至茶磨嶺下艤舟作

橫塘背城遠野平猶在望舟移橋屢轉疊嶺非  
一向田日倚茶磨湖風落潏榜旦夕滯城郭寄  
託欣所放真境自茲週疎襟未爲曠

自茶磨入治平寺

日晏山路閤林木紛如結環溝引湖流經橋見  
曲折路在寺門出高榆對森列連岡亘城隄玦  
斷宛當闌斜日射山翠玲瓏映松徹香氣行客  
聞心閤忘分別

入殿左僧舍下遵曲徑仰見嵯嶺高軒絕  
可舒矚

僧房高下居閉門秋色閤陽樹挺幽徑陰嵯仰  
層關周垣若澗底疎翠當窻閤窻中如有人聞  
聲杳難攀遙知縱目處樹杪見前灣白日山後  
沒好月湖中還念此來何時使我舒心顏

經紫微村

荒村何所有，枵腹但古樹。  
小艇緣港入，疎春閉門度。  
巷窮見山徑，接近引閒步。  
青蒼正相射，山照亘斜雨。  
平生未經過，一覽似再遇。

登上方楞伽寺

肅穆山氣涼，半嶺見日小。  
先秋草蟲鳴，向夕飛雉驚。  
草香故山接，窅然客魂悄。  
蘭若冠絕頂，宮殿何繚繞。  
闌干俯林際，四顧川塗鼎。  
胥門毫末辨，婁縣卷石表。  
東非餘郊臺，晉吳已云沼。  
倦日浩難極，天長阻歸鳥。

橫塘迴舟有懷唐子東婁子吳江

連山限頽陽餘暉尚曛曦紫翠徧原隰髣髴如

春容感念山中遊日落桃花紅庚寅同唐孫張三子二月

飛早梅玉壺坐芳叢辛卯西山看梅爾時同遊子旅食

京華中昨將涉洞庭雨雪君莫從於管告不聞

至今苦忽忽一水尚有隔況復期燕鴻

山樓

山樓送客罷柴荆晝不開秋陰連日起風雨暗

山來急葉如鳴霰低空殷薄雷呻吟到童僕寥

廓信悲哉

茅齋行

時孫履正履和偕李茂脩讀書山中予擔簦就訪相見喜甚因留信宿

九月寒陰翳村塢山行野望愁風雨歸客千里  
遠到門鏗然讀書在茅宇鄉里小兒屠酤遊自  
倚功名等閒取君家兄弟意希闊耻將不學事  
明主金高南山君不營世人那識還相侮余獨  
驚驚忍羈旅見君已覺心神聚同調李生亦殊  
絕勇氣森沉鷺鳥羽朝遊挾彈擔强弩谷口夜  
歸衝乳虎氣酣耳熱長風生呼酒割鮮遞起舞  
倚柱悲歌若有神夜久谿聲落處戶君思江東



相逐時詎意山中守環堵東吳酒徒今相待  
咎時沉飲韜精彩遙憶將軍平壤城斬鯨何時渡  
遼海

山閣客至

孫氏兄弟同茂脩至

村落饒古意長翰名已久脩脩篁竹閒廢屋十  
八九豁然村徑闢草閣當谷口寒松日夜號江  
海翻戶牖西岡樹色古斷穴如窠臼清霜木葉  
脫遠近見培塿青蒼貫穿漏丹繡紛錯採親明  
日暮至擔囊出前阜閣中遙相見先問鄰人酒

相逢行

縣城逶迤阻山麓積翠飛甍駐寒日寓舍蕭蕭  
日風雨賴有楚然慰空谷自非新知迴暖眼寒  
灰誰熱長幽獨忽憶就飲城南宅揚鞭野風春  
景白美人笑指騎馬來鞞袖慙迎髮覆額綃幕  
垂簷蠟炬高金盤謔浪文章伯甲第留歡幾曛  
旭桂檝長筵竝絲肉清江皎月東城園薛客簫  
鳴殷深竹一時文采信有餘曠代風流未爲足  
誰知勝事須臾改酒壚邈邈空相待黔嶺閒關  
婁水紆燕鴻越鳥思東海海畔經冬斷消息豈  
論歡娛難再得天寒山黑怪鳥啼苦憶嬌兒解

相索偶然邂逅新知樂對爾酣歌事難測縣南  
酒樓醉幾回吳歌感人潛動色促膝紅爐又一  
時莫更忽作雙飛翼安得呼我雲端人長居巷  
南子巷北

郡城雜詩十首

禹廟渙梁口浮舟落日過瀑聲衝峻壁谿影漾  
層阿樓堞青山郭津亭錦樹波越鄉風土異臘  
近尚暄和

城上寒梅樹愁邊臘意濃閏冬懸短景落日駐  
清松藥俗違吳見花思出越逢踟躕動詩興思

弱爲愁慵

城邊喚老春茅齋生遠情行厨藜竹暝落蓋長  
松清日沒指山氣風迴喧水聲然薪下深谷險  
絕醉能輕

愛客不厭醒同攜雙玉瓶重來花逕別閒占小  
藜扃竹密鳥呼暝松高人見星形骸不用撥心  
迹兩沉冥

自解人閒世難求物外閒新知已云樂俗累未  
爲慳偶憶水西寺因看谿上山佳期信霜露汗  
漫不知還

秋杪歸相待深冬客未還愁身青嶂堞淚眼白雲  
山物色淒其甚人煙蕭穆開哀吟隨野望不敢  
廢躋攀

愁眼層城豁高天日盡時山寒夫子廟水急禹  
王祠此地梅爭發他鄉花較遲江邊開造次朋  
好正相思

四更寒霰集闇度隙中過剛發層城上千山應  
更多殊方同臘色遠道足春波愁婦今多夢鷄  
鳴不已何

山城更點歇急雪自鳴樓洒闇沾蓬髻添寒漏

黑裘晨街應擁戶夜水或行舟今古荒塗思高  
人何處求

南郭寒山疊霏霏翠壓城關陰向面落津影照  
心明雪樹澄逾出風潭淨不行愁慵虛勝槩自  
覺愧平生

慰方民表丈

負米踰千里承顏事已違寒天陟屺過落日倚  
門非嘶馬驚華表慈烏遶總帷舊時同飯客忍  
淚問君歸

擬上許相公

翊 帝神仙出師臣 聖主昌府宮均協理海  
宇盡平章自比夔將契誰論杜與房丹青流論  
惜羽翼咏歌傷黃石元迴漢箕山本去唐懸心  
馳魏闕屬望動蠻荒北斗山崇重中流砥激是  
育才曾吐哺樂聖且銜觴道大通調燮功成妙  
卷藏衣冠馴牧豎杯酒問農桑旋馬惟庭際詢  
牛或銜傍沾茵容小吏拈簪乞中郎弘相開東  
閣彭宣侍後堂敢論齊雉禮愧已混濁商流寓  
輕儻父交游愛老蒼願將閩廣覽詎謂借餘光  
用眺嵩華大思游河海長掃門懷一刺漫滅意

難忘

孫履正將東行邀過話別不至

聞理遊吳棹傳來值歲除未能從子去空憶過  
吾廬人日朝朝雪賢星夜夜虛漸江魚正急好  
寄大雷書

過銅山下作

古墓銅山下新季乍一過漫流交細路急雨洗  
垂蘿物色正如此梅花空復多他鄉歲時久來  
往恨蹉跎

雪二首



我家東閣好照戶羣山明目迴風陰壯心閒雨  
雪清作花寒有艷着樹夜無聲澗澗南鄰送吟  
成亦自傾

雨雪添多興高窻更不羣瀟瀟還照夜羃羃總  
隨雲風篠沾難定陰稠翳欲分燭斜渾不見開  
戶始微聞

水西酒樓伯雨諸君會餞即席五首

時孫士鑑

許康侯孫元功方叔牛仲方勞孫

二月沙邊問小舟狂夫興盡欲東遊那堪君更  
明朝發匹馬千山不暫留

俱將赴旌德

仙風道骨揔輸君可與神遊也不羣落月相思  
輒得盡江東日日有春雲

青楓八月海邊歸白雪千山春半飛還往辭家  
無別淚雙流席上濕君衣

別酒微醺爲怕春橋邊夜雪鬧於塵故園三月  
鶯花好共醉高樓無此人

名飲須酬詩百篇齊看別路指山川會將南浦  
風爐席說向東吳歌舞筵

又別伯雨

君去旁州客幾時計余行日祇相思不如從此

忽忽別忍更相逢又別離

梨園緩歌行

十季寒食嚠城寓苦憶鄉園梨萬樹前季歸來  
春色早花開正在臨安道值今花樹始芳菲山  
中儒生爭送歸且須賒酒飲十日壚頭笑我無

春衣廣陵遊俠新都客虎眉貝齒顏暫白

閱健伯作

從廣陵還家喜識孫履和謹飲大醉

相逢恨晚互勸酬爭倚驍騰

誇騎射芳園千樹梨爭開平岡下瞰花成堆林

閒飛鳥喚酒至陌上輕塵看客來忽思嚠曲空

裊裊安得移花比遠梅

杜詩安得健步移遠梅

天涯故人

其此酒狂愁小弟喧金壘人生良會那可必斗  
酒淹留莫倉卒我留爲君君莫歸明日花開勝  
今日君不見黃羅山曲十餘里漫山照路皆如  
此宛如夜雪山陰時興盡愁殺王猷子

喜見子柔襍被就舟中夜話賦贈一首

山中歲晚獨思君空憶飄然思不羣乍見欲狂  
逢日暮相隨疑夢過宵分道心久已能如水世  
事應看只似雲懷槩十季猶未遇無人真解薦  
雄文

過叔達

子歆亮若朗侍喜其縝格開述

步履遙尋北郭生，愁看雨脚幻陰晴。  
蘚青客到沙沉榻，樹白魚跳雨過城。  
傍舍舉罇窺密藻，房櫳鏘器出香羹。  
呼兒侍屐憐風骨，灞滻如君便可耕。

用韓詩便可耕——句

新安方伯雨期會子柔都下是秋俱就試  
姑孰因汝廉寄此歌

二月開船離歙浦，青林白日交飛雨。  
平明水頭盈千尺，夾岫連峰去如射。  
舟中日夜聞鳴沙，疑坐山城繁雪花。  
仙泉林亭湛清華，晨光瀟瀟臨萬家。

烏聊山仙姑泉  
伯雨讀書處

卷簾六水橫碧玉，却挂疎

松虛蔽遮興酣隕唐一杯酒長歌盼望吳天涯  
此地一爲別屢夢不可見飄然寄我空中書秋  
風幾日過江縣姑孰寓李白同遊崔宗之錦袍  
照淥水明月揮金卮當塗揖陽冰筆鋒森差差  
風流千載人笑我不同時前月故人沿牒遊與  
話江邊太白樓峨眉對列碧江寫采石直挿青  
天流徐君今欲行問我義興路陽羨湖水多遙  
經溧陽樹到日逢婁君應與新知遇新知逸氣  
凌青雲未須傾蓋已知君金陵過我舊遊處相  
思佳句爲平分

題女郎陳八扇

主人送客夜留髡  
薌澤菲菲燭焰昏  
自信狂夫心似鐵  
一時也覺闌消魂

當筵衆裏欲知名  
半面嫣然已目成  
不是悠悠紅粉伴  
都來見慣不關情

自開團扇索題詩  
奈值公眞大醉時  
更待玉容歌一曲  
爲君珍重寫烏絲

清狂不醉也傚傚  
纔聽歌聲喚奈何  
眼底相偎俱夢寐  
且留詩蹟耐消磨

南橋寒水動浮星  
醉客闌干曲乍停  
若道都無

兒女意別時酒氣爲誰醒

眼看明日各天涯况復將歸千里賒不念兒身  
同浪梗也憐郎跡類萍花

悲沈脩孟二首

卧病空園裏長廊不見人  
窓昏唯覺夜帷碧始知春  
蝸繡書囊色蟲絲藥褱塵  
縱然看宿草那免一沾巾

精思兼高義於今摠未能  
詩神愁裏王腕力病來增  
強笑寬妻子推心急夜朋  
流傳遺翰在青竹幾時登



松圓浪淘集

蓬戶卷四 九四十七首

富陽桐廬道中早春即日東吳中朋

幕倚城樓江日曛曉過山縣市燁分迴峰凍

皆成雪出霧危巒半是雲沙際年光催鳥嘯

閉寒溜動鷗羣吳江越嶠千餘里春賞何由

奇聞

騎馬醉歌行

孫履正郡城送行時年

士第一人鎮發源中平會郡城飲

集名馬觀射王屏門外醉後爲此歌

前年還家雪花大愁眼看山雙屐破萬山觀南

十寺西沙澄天豁千迴過遠遊念此心飛懸歸  
來欲往愁難卹春深城邊買輕舸故人追送還  
同卧山城三月氣溽蒸行行幾覓青林坐朝逢  
將軍好事者來期狂遊共輸寫閱軍場中十仞  
堂羅蓋銀鞍集堂下方丈華筵勢最高十川對  
酒天垂野打絃擗鼓振飛瓦白風雨脚俄飄颻  
黃山雲氣淋漓閒潑瀋之圖醉堪把笑揮金筯  
催圉人輕塵不動宜調馬將軍先躍青花驄  
驂紫燕俱生風野堂雜花迷丰茸四蹄鵲落聲  
眼紅愛君敢決人馬同恨不騎赴天山中胡爲

夜抹山城東酒闌揮手徒忽忽扁舟東去隨蒿  
蓬

宋中懷古

同孫三履和

天肅商丘秋黍哀蕭條楊柳菊花開東南暄景  
江淮圻曉夜霜華翬洛催芒碭雁呼雲一去黃  
河日落馬雙虺重遊高李論交地寂寞空吟古  
吹臺

十月朔觀人家上塚感懷

寧陵主丘隨亭

曉陌駿駿歷夜臺荒城四啓獨徘徊誰家絃服  
攀簾出幾處凝妝掩袂迴天急斷碣遙岍柳風

高雙眼故園萊亦知近淚無乾土未勝長歌望  
哭哀

贈喬給事

名胤寧陵人茂實表叔同季同官

鍾離北望入青徐馬首西迴識宋墟丹地故  
遙送鯉碧山學士近焚燹懷中千里將投刺袖  
裏三季不減書久憶司存清切省不材無意待  
吹噓

梁南白露浥黃塵柳色蕭條客思新君卧滄江  
爲地主予潛東海是波臣披垣星夜時焚草  
闌秋風幾積薪宣室定應懷賈傅漢家元乃

陽人

君少季河南解元山史館爲都掌科以言事斥

元日和殷丈韻奉答

鄰人有酒也能賒  
弟勸兄酬省嘆嗟  
黔水春風長送客  
黃河臘月乍還家  
漸綠久別稀人事  
喜得新詩當物華  
早晚南橋春雪盡  
好沿江路探梅花

送徐女廉之無錫

黃姑灣頭梅乍香  
黃婆墩邊柳漸長  
但看音信連三月  
誰道風煙不兩鄉

雪擁春雲闇錫山  
風迴夜水入吳關  
知君不慣

蘇離別夢裏辭家夢裏還

同孫履和重遊鶴林招隱

江城春郭畫陰陰  
竝轡看山不厭深  
過眼村居渾欲辨  
聞香芳草杳難尋  
用東坡遊鶴林詩語  
林閒問寺山傳答  
谷裏探泉樹嘯吟  
自識戴顓招隱處  
閑心長挂白雲岑

重赴六合道中羈懷

眞州曉雨送征帆  
憶昨寒星舞客驂  
三月鶯花離海曲  
孤舟風日望江南  
水鄉味遠閒偏思  
岐路悲深久漸堪  
几杖柴門相待否  
歸心芳草自

能語

雨中過伎家飲書贈陳翠

紅樓細雨燕飛斜  
玉面珠簾相映遮  
三月江南春色盡  
却行江北見梅花

虎丘

風散桐花松月開  
上方樓殿踏歌來  
攜將蘆管新調曲  
吹向生公舊講臺

瓜洲雨中悶健  
吾攜榼見餉  
秃筆遣意

江雲沸白雨如銀  
挈榼衝泥愧所親  
樓上獨窺壺內客  
市中爭看筑旁人  
鴟夷老去終逃世  
犢

鼻窮來且任真莫羨巖栖厭屢肆與君元自出  
風塵

蓬戶

蓬戶居然晝不開消憂佳客數能來水精鹽盡  
調水屑新醞缸傾雜舊醅雄辯滿筵纔五斗張茂  
仁丈多高揮毫落紙更三杯子榮時人生莫論  
談恥論無多屐相見何妨日幾回

愁霖

長夏江喧風雨交津樓城角浪飛捎經秋白露  
看收潦接海崩雲更壓郊漂沒籬邊千片菊捲



殘屋上幾重茅浮家寂寞江湖外生事將憑五石匏

夜泛

同丘五張二丈孫二兄

水關新漲曲通溝

杜詩秋水通溝洫

力疾邀人夜弄舟

暗竹背城思嶺月平畦裊露憶湖秋行隨老伴  
添衣出迴觸歌塲趁曲留遠吹更聞無奈返微  
風小櫓不勝愁

秋晚同張二丈唐四兄步履城南張園

南郭浮陰覆女牆沿郊落木暎江鄉新晴空翠  
生衣潤傍晚寒風洒袂涼鳥下疎簾暮局散波

推虛壁淨琴張柴門柳送餘花在月色村沙引  
興長

金閨曲四首

金閨潭水寫金波畫燭紅樓歌吹多長夜牽愁  
無遠近山塘一望似秋河

十萬紗窗接半塘紅亭白露夜凝霜邀來殘燭  
開松閣送去餘香散竹房

紅泉碧樹殿沉沉舞歌歌闌明月陰百尺轆轤  
千丈石長懸秋鏡照人心

蛾眉纖月兩相迎公子紅顏與目成說向詞人

偏憐亂不須見面也多情

子柔將歸憶別漫賦

巷南秋雨過君家獨掩閑門幾日斜無那別來  
偏皎月即看歸到負黃花春江在眼新安郭暮  
雪驚心梁苑沙欲去念君仍未決窮愁相見莫  
相嗟

寄方伯雨二首

村邊廢宅少人居聞道生徒共掃除書札浮沉  
三月後交遊顯晦廿年餘小巖原上歸僧遠長  
石岡頭旅騎疎知爾含情望天末蒼煙落日幾

躊躇

憶從南省罷公車期泊東吳訪客居豈料遠遊  
梁苑馬翻令空寄漸江甌經年墓草春應長向  
臘園松晚莫疎聞過新阡看氣色君家蔥鬱更  
何如

舟夜伎飲同子柔卽事

酒伴歌朋事事宜誰能舟夜不相隨意觴似欲  
追清管高調偏疑壓翠睂坐客調絲殊未歇主  
人終宴不知疲深杯百罰那拋得莫負歡娛少  
壯時

瓜洲渡頭風雪欲回南岬不得二首

南岬連山陰復晴江邊雪片柳花明遙看白浪  
過津閣日暮無人打槳迎

平分南北是江流南岬相期北岬留惟有寒風  
吹向北爲君留客醉瓜洲

江雪六言四首

旗亭市口崖削官路山腰樹斜相逢雪中直馬  
欲投江北人家

寒望稍分沙際孤煙乍起葦中洲隔江流隱霧  
巖傾雨雪隨風

亂眼江雲飄忽照心山雪徘徊潏舟遲客不發  
野廟無人自開

立馬嘶寒斷渡居人乞火沿村十步雪迷津閣  
半空濤殷山門

丁酉元日舟中

今季元日仍舟中江春乍暄天無風蒜山殘雪  
凍猶白瓜洲曉煙晴欲紅荊門水愁東下鷁吳  
地樹杳南飛鴻却憶攜子滯歸路千巖霧雨嚴  
灘東

過唐正叔僧房

積善寺東齋今廢

古寺頽簷覆短牆，憐君地僻懶衣裳。  
空庭苔色從僧破，冷銼茶煙對客颺。  
橋外春泥猶有跡，窗閒寒竹不成行。  
興闌白日忘歸綬，看劍攤書正滿牀。

送沈武仲

四月鰈魚潮水深，三山啼鳥海門陰。  
送君莫道無相贈，一片江程是我心。

送龔仲和

半塘西望寺門陰，霧塔風軒夏木深。  
獨訪空山君記否，送君忽憶去季心。

寄李長蘅

同王叔子讀書栖霞山

瓜步歸橈見攝山天開巖壑舊遊攀知君明月  
中峰夜夢與誰人共往還

送子柔兄金陵試三首

丹陽北望起江雲駟馬都門日幾羣我有客中  
相識在知他何地恰逢君

柳暗烏啼雨洗塵白門路熟客愁新此回相送  
判相隔莫更栖遑逐故人

今古漂零酒一杯強歌未半已心摧別君誰是  
相憐者肯信佯狂亦可哀



秋日李氏東堂同長蘅觀曝圖書張伯夜  
貽畫筆失答走筆東謝

秋雲杲杲天景澄高堂與客翻細藤瀟湘水澗  
悲嘉陵江花有情遙沾膚開門此時無人磨紫  
毫一束煩高朋雞距脫手新鋒稜未忍用點屏  
閒蠅青松短壑臨層冰顛崖老樹雲門僧貌君  
布轆予行滕

送金子煥北上

郊居良會每怱怱那忍離杯不暫同續食忽經  
三歲後共舟愁憶十季中相思河畔青青草送

遠長江湛湛楓不論雲泥自惆悵故人何以慰  
飄蓬

寄伯雨京邸

山城風雨相思後江館炎天一札來與報征軺  
何日發却期鄉信此時回朝廷袞闕囊封急  
屬國軍需插羽催到日臨軒問幽側中林休  
數兔置材

寄訊張伯隅

林中歲晚莫情疎天上何時慰索居明月星稀  
南遶鵲黃河水淺北來翼驚傳遼海烽煙入可

憶巴山涕淚餘官冷只今猶未得京華桂玉近  
何如

送沈伯咸丈

別筵朋酒摠如瀉童稚交親黯不勝長路風塵  
看老驥高天雲氣縱秋鷹江山悵望還三峽衣  
馬輕肥自五陵才大未須慙晚達君今何似漢  
孫弘

送王辰玉

闔閭城上角吹晴郭隗臺前雪滿旌子亦遠遊  
隨計吏誰能愛惜莫論兵北征車馬經河徙東

戊癸腥望海平射策金門期第一君家世業有  
玄成

賦得清流關送須君美

管騎羸馬遊梁苑曾過清流賦楚關舉目欲窮  
燕闕路迴頭疑見秣陵山舊消淮水痕千縷新  
徙河流蒺幾灣此地相逢車馬客共判一醉破  
愁顏